

**UDRUŽENJE POSLODAVACA U FEDERACIJI BIH
MULA MUSTAFE BAŠESKIJE 12/III
S A R A J E V O**

Sarajevo, 31.03.2010.godine

ZAPISNIK

sa **18 sjednice Upravnog odbora Udruženja poslodavaca u FBiH** održane **dana 31.03. 2010. godine**, sa početkom u **11:00 sati u prostorijama«ASA-HOLDING» (Bulevar Meše Selimovića 16.)** u Sarajevu.

Sjednici su prisustvovali: gdn. Nihad Imamović, gdn. Mladen Pandurevića, gdn. Fehim Škaljić, g-din Marinko Katava, gdn. Mustafa Isabegović, gdn. Mirsad Čolaković, gdn. Eldin Brčaninović, gdn. Hamed Šivšić i gdn. Osman Hasanbegović (po ovlaštenju gdnina. Amera Jerlagića).

Sjednici nisu prisustvovali: g-din. Predrag Čović, gđa. Azema Mulasmajić, gdn. Amir Jahjaefendić, gdn. Adem Ibrahimpašić, gđa. Silvana Marić, gdn. Hasan Bećirović koji su opravdali svoj izostanak, gdn. Amir Sušić, gdn. Nuko Grebović i gdn. Milorad Krunic koji nisu opravdali svoj izostanak.

Sjednici su prisustvovali po dužnosti: gdn. Alija Remzo Bakšić i gđica. Mersiha Kurspahić.

Uvodnu riječ dobrodošlice članovima Upravnog odbora uputio je predsjednik U.O. gdn. Nihad Imamović i predložio sljedeći:

DNEVNI RED

1. Usvajanje zapisnika sa prethodne sjednice Upravnog odbora UPFBiH;
2. Izvještaj o izvršenim zaključcima sa prethodne sjednice U.O. - izvjestilac Alija Remzo Bakšić;
3. Informacijama o zaključcima sa prethodne sjednice ESV-a i rasprava o predloženim materijalima po svim tačkama dnevnog reda za 68-u sjednicu ESV-a sa prijedlogom zaključaka – izvjestilac Predrag Čović;
4. Utvrđivanje vremena, mjesta, dnevnog reda i sastava 8. redovne Skupštine UPFBiH-izvjestilac Nihad Imamović;
5. Razmatranje materijala za 9 redovnu Skupštinu Udruženja poslodavaca FBiH;
 - a. Razmatranje i usvajanje Prijedloga Izvještaja o radu U.O. UPFBiH za 2009. godinu; izvjestilac Nihad Imamović;
 - b. Razmatranje i usvajanje Prijedloga Izvještaja delegacije ESV-a za 2009 godinu; izvjestilac Predrag Čović;
 - c. Razmatranje i usvajanje Prijedloga Finansijskog izvještaja UPFBiH za 2009. godinu; izvjestilac Alija Remzo Bakšić;
 - d. Razmatranje i usvajanje Prijedloga Programa rada UPFBiH za 2010. godinu; izvjestilac Nihad Imamović;
 - e. Razmatranje i usvajanje Prijedloga Finansijskog plana UPFBiH za 2010. godinu; izvjestilac Alija Remzo Bakšić;
 - f. Razmatranje i usvajanje Nacrta Odluke o visini članarine; izvjestilac Mladen Pandurević;
 - g. Razmatranje i usvajanje Nacrta Statuta o izmjenama i dopunama Statuta; izvjestilac Mladen Pandurević;
 - h. Predlaganje Skupštini za izbor:
 - A. predsjednika i dva zamjenika predsjednika Skupštine
 - B. 2 člana Ekonomsko socijalnog vijeća u FBiH
6. Tekuća pitanja

Dnevni red je u potpunosti usvojen.

RASPRAVLJANJE PO TAČKAMA DNEVNOG REDA:

Tačka 1 : Usvajanje zapisnika sa 17 sjednice UO;

Gdin. Nihad Imamović je upoznao prisutne sa ovom tačkom dnevnog reda i dao zapisnike na usvajanje.

ZAKLJUČAK: Obzirom da nije bilo primjedbi, zapisnik sa 17. sjednice UO je jednoglasno usvojen.

Tačka 2: Usvajanje Izvještaja o izvršenim zaključcima sa 17. sjednice UO UPFBiH

Gdin. Bakšić je izvjestio prisutne o izvršenim zaključcima sa 17. sjednice UO UPFBiH ističući da su svi prisutni dobili Izvještaj u pisanoj formi te da su izvršene sve obaveza po zaključcima sa prethodne sjednice.

ZAKLJUČAK: Izvještaj o izvršenim zaključcima je u potpunosti jednoglasno usvojen.

Tačka 3: Informacijama o zaključcima sa prethodne sjednice ESV-a i rasprava o predloženim materijalima po svim tačkama dnevnog reda za 68-u sjednicu ESV-a sa prijedlogom zaključaka

Gdin. Nihad Imamović je obzirom da gospodin Predrag Čović, predsjedavajući delegacije ESV-a nije prisutan na sjednici, zamolio gđina Pandurevića da prisutne članove UO informiše vezano za ovu tačku dnevnog reda.

Gdin. Pandurević je istakao da su svi dobili materijale i ukratko upoznao prisutne sa zaključcima ističući da je UPFBiH podržalo Zakon o izmjenam i dopunama o poreznoj upravi te da su prihvaćeni zahtjevi poslodavaca kao i Zakon o javnom partnerstvu što je bila i jedna od mjera iz Socijalnog sporazuma.

Vezano za vanrednu sjednicu gđin. Pandurević je istakao da je u zapisniku ESV-a navedeno da je UPFBiH podržalo Zakon o plaćama ali da to nije tačno te da su članovi delegacije UPFBiH bili suzdržani po pitanju ovog Zakona budući da je već bio upućen u parlamentarnu proceduru.

Vezano za 68. sjednicu gđin. Pandurević je upoznao prisutne sa dnevnim redom ističući da bi bilo dobro da svi članovi dostave svoje komentare ukoliko ih imaju. Također je istakao da je jedna od bitnih tačaka dnevnog reda Zakon o ESV-u te je zamolio prisutne da daju svoje sugestije.

Gdin. Pandurević je također zamolio prisutne da daju svoje prijedloge za dnevni red za sljedeću sjednicu ESV-a.

ZAKLJUČAK: Vezano za Zakon o ESV-u zaključeno je da se u članu 7. koji govori o sastavu ESV-a umjesto 19 stavi 18 članova ESV-a, što znači da ESV ima po 6 predstavnika socijalnih partnera te da se Predsjednici delegacija ESV-a smjenjuju predsjedavanjem Ekonomsko socijalnog vijeća svakih 8. mjeseci ukoliko Poslovníkom o radu nije drugačije uređeno.

Tačka 4. Utvrđivanje vremena, mjesta, dnevnog reda i sastava 8. redovne Skupštine UPFBiH;

Gdin. Nihad Imamović je upoznao prisutne sa ovom tačkom dnevnog reda i predložio da datum za održavanje 9. redovne Skupštine bude 27.04.2010. godine sa početkom u 11:00. Također je predložio da mjesto održavanja Skupštine budu prostorije ASA HOLDING-a u Sarajevu.

Vezano za dnevni red predloženo je sljedeće:

- a) Izbor verifikacione komisije, zapisničara i ovjerivača zapisnika;
- b) Razmatranje i usvajanje zapisnika sa VIII redovne Skupštine UPFBiH,
- c) Razmatranje i usvajanje Prijedloga Izvještaja o radu U.O. UPFBiH za 2009. godinu, izvjestioc Nihad Imamović;
- d) Razmatranje i usvajanje Prijedloga Izvještaja delegacije ESV-a za 2009. godinu, izvjestioc Predrag Čović;
- e) Razmatranje i usvajanje Prijedloga Finansijskog izvještaja UPFBiH za 2009. godinu, izvjestioc Remzo Bakšić;
- f) Razmatranje i usvajanje Prijedloga Programa rada UPFBiH za 2010. godinu, izvjestioc Nihad Imamović;
- g) Razmatranje i usvajanje Prijedloga Finansijskog plana UPFBiH za 2010. godinu, izvjestioc Remzo Bakšić;
- h) Razmatranje i usvajanje Nacrta odluke o visini članarine, izvjestioc Mladen Pandurević
- i) Razmatranje i usvajanje Nacrta Statuta o izmjenama i dopunama Statuta, izvjestioc Mladen Pandurević;
- j) Predlaganje Skupštini za izbor:
 - i. predsjednika i dva zamjenika predsjednika Skupštine
 - ii. 2 člana Ekonomsko socijalnog vijeća u FBiH

Zaključak: Obzirom da nije bilo primjedbi usvojen je prijedlog gđina. Imamovića da se 9 redovna Skupština održi u utorak 27.04.2010. godine sa početkom u 11:00 sati u prostorijama ASA-Holding u Sarajevu. Predloženi dnevni red je također u potpunosti usvojen. Vezano za sastav Skupštine dogovoreno je da će prijedlog delegata za Skupštinu u skladu sa Statutom Stručna služba dostaviti svim članovima UO.

Tačka 5. Razmatranje materijala za 9 redovnu Skupštinu Udruženja poslodavaca FBiH;

- a) Razmatranje i usvajanje Prijedloga Izvještaja o radu U.O. UPFBiH za 2009. godinu; izvjestilac Nihad Imamović;
- b) Razmatranje i usvajanje Prijedloga Izvještaja delegacije ESV-a za 2009 godinu; izvjestilac Predrag Čović;
- c) Razmatranje i usvajanje Prijedloga Finansijskog izvještaja UPFBiH za 2009. godinu; izvjestilac Alija Remzo Bakšić;
- d) Razmatranje i usvajanje Prijedloga Programa rada UPFBiH za 2010. godinu; izvjestilac Nihad Imamović;
- e) Razmatranje i usvajanje Prijedloga Finansijskog plana UPFBiH za 2010. godinu; izvjestilac Alija Remzo Bakšić;
- f) Razmatranje i usvajanje Nacrta Odluke o visini članarine; izvjestilac Mladen Pandurević;
- g) Razmatranje i usvajanje Nacrta Statuta o izmjenama i dopunama Statuta; izvjestilac Mladen Pandurević;
- h) Predlaganje Skupštini za izbor:
 - 1.predsjednika i dva zamjenika predsjednika Skupštine
 - 2.člana Ekonomsko socijalnog vijeća u FBiH

Gđin. Nihad Imamović je upoznao prisutne sa svim materijalima po predloženim tačkama dnevnog reda ističući da su svi članovi Upravnog odbora dobili materijale i otvorio diskusiju.

U diskusiji su učestvovali svi članovi Upravnog odbora koji su se složili da je Prijedlog programa rada i Finansijskog plana za 2010. godinu veoma ambiciozan i da je to opravdano obzirom da Udruženje poslodavaca treba imati snagu.

Prilikom raspravljanja o materijalima najveći akcenat je stavljen na Odluku o visini članarine budući da Prijedlog odluke predviđa povećanje članarine. Svi prisutni su se složili da je potrebno obezbijediti sredstva za efikasan rad Udruženja ali da se pri tome mora uzeti u obzir da povećanje članarine ne smije dovesti do otkazivanja članstva. S tim u vezi u Statutu o izmjenama i dopunama Statuta je predložen član 16. koji dozvoljava Upravnom odboru da u određenim situacijama smanji članarinu od one koja je propisana Odlukom. Budući da je u prvobitnom prijedlogu bilo predviđeno da se članarina ne može smanjiti više od 15% prisutni su raspravljali o ovom članu i dogovorili se da visinu od 15% treba brisati iz predloženih izmjena.

Vezano za izbore gđin. Imamović je prisutne izvjestio da je u Skladu sa Statutom potrebno izvršiti izbor ili ponovno imenovanje Predsjednika i dva zamjenika predsjednika Skupštine. Vezano za članove ESV-a gđin. Imamović je istakao da je potrebno zamjeniti dva člana ESV-a budući da gosp. Miralem Jahić ne dolazi na sjednice ESV-a, a gospodin Mehmed Čorhodžić se u međuvremenu penzionisao. Znači članovi delegacije koji i dalje ostaju u ESV-u su gosp. Predrag Čović, gosp. Mladen Pandurević i gosp. Eldin Brčaninović. Gđin. Imamović je zamolio sve članove Upravnog odbora da do 05.04.2010 godine dostave svoje prijedloge za članove ESV-a te da pri tome uzmu u obzir dosadašnja iskustva i predlože članove koji su do sada aktivno učestvovali u radu Udruženja i koji su dali svoj doprinos.

ZAKLJUČAK: Predloženi materijali za Skupštinu od strane Upravnog odbora su u potpunosti usvojeni u predloženom obliku osim Nacrta Statuta o izmjenama i dopunama Statuta. Vezano za Nacrt Statuta o izmjenama i dopunama Statuta zaključeno je da se u članu 16. prijedloga iza zareza stavi tačka a ostale riječi da se brišu. Tako da član 16. Nacrta Statuta o izmjenama i dopunama Statuta treba da glasi: „Ovlašćuje se UO UPFBiH, da u slučaju globalne ekonomske krize, krize u pojedinoj djelatnosti ili problema u pojedinačnoj kompaniji članici, može svojom odlukom odobriti popust na godišnju članarinu za sve članice, članice iz jedne grupacije ili pojedinu članicu. „

Vezano za Prijedlog finansijskog plana dogovoreno je da će se na sjednicama UO kvartalno izvještavati o realizaciji Finansijskog plana. Također je zaključeno da će se, obzirom da postoji interes jačanja uloge Udruženja poslodavaca, svi članovi zalagati i aktivno učestvovati u obezbjeđivanju sredstava za rad Udruženja.

Vezano za izbor 2 člana ESV-a usvojen je prijedlog gđin-a Imamovića da članovi Upravnog odbora do 05.04.2010 godine dostave svoje prijedloge za članove ESV-a uzimajući u obzir dosadašnja iskustva i predlože članove koji su do sada aktivno učestvovali u radu Udruženja i koji su dali svoj doprinos.

Tačka 9. Tekuća pitanja

Pod trekućim pitanjima raspravljalo se:

1) Imenovanju članova komisije za pregovore radi zaključenja kolektivnog ugovora;

Gđin. Imamović je izvjestio prisutne da su u pomenutu komisiju predloženi gđin. Nihad Imamović, Predsjednik UPFBiH, gđa. Azema Mulasmajić i gđin. Mladen Pandurević.

Nakon diskusije pored prijedloga da se u Komisiju uključi gđin. Mirsad Čolaković prisutni su jednoglasno usvojili prijedlog gđina. Nihada Imamovića.

ZAKLJUČAK: Zaključeno je da se u Komisiju za pregovore radi zaključenja kolektivnog ugovora imenuju gđin. Nihad Imamović, Predsjednik UPFBiH, gđa. Azema Mulasmajić i gđin. Mladen Pandurević.

Sjednica je završena u 12:30 časova.

Zapisnik sačinila:
Mersiha Kurspahić

Predsjednik UO UPFBiH
Nihad Imamović, s.r.